

# SAKSFRAMLEGG

---

Sakshandsamar: Anita Bjørk Ruud  
Arkivsaksnr.: 16/3005

Arkiv: F82 &00

---

## **Kommunen si gjennomføring av borgarleg vigsel frå 1.1.2018**

### **Rådmannen si tilråding:**

1. Mynde til å gjennomføre borgarleg vigsle ligg etter ekteskapslova til ordførar og varaordførar. Mynde vert i tillegg delegert til rådmann. Rådmannen kan vidaredelege løyve til andre i administrasjonen.
2. Tilbodet om borgarleg vigsle vert gjeve på rådhuset innanfor opningstida.
3. Tilbodet om borgarleg vigsle gjeld òg for brudepar som ikkje er heimehøyrande i Luster kommune. Dei må betale nødvendige kostnader for vigsle. Pris vert fastsett i kommunen sitt betalingshefte.
4. Brudepar som ynskjer vigsle på andre tidspunkt eller andre stader i kommunen må betale for meirkostnader.

## **Saksutgreiing:**

**Prenta vedlegg: Rundskriv Q 11/2017 om kommunale vigslar.**

**Uprenta vedlegg:**

## **Samandrag:**

I saka førebur kommunen gjennomføring av borgarleg vigslar etter at kommunane overtek ansvaret frå nyttår. Det vil bli tilrettelagt og informert om tenesta i Lustranytt og på kommunen si heimeside.

**Utval som har vedtaksmynde:** Kommunestyret

## **Fakta:**

Frå 1.1.18 vert mynde til å gjennomføra borgarleg vigslar overført frå tingretten til kommunane. Mynde til å gjennomføra vigslene er lagt til ordførar, varaordførar og kommunalt tilsett eller folkevald som kommunestyret sjølv gjev slikt mynde. Kommunane må førebu seg på kva tilbod som skal gjevast ut frå regelverket i ekteskapslova kapittel 3.

Kommunen må avklare kven som ev. skal ha mynde utover ordførar og varaordførar. Kommunen kan sjølv bestemme kvar og når dei skal tilby vigslar. Det er viktig at tilbodet er tilgjengeleg.

Kommunen er pliktig til å ha eit gratis tilbod til kommunen sine innbyggjarar og personar som ikkje er busette i Norge, men som fyller vilkår i lova for å inngå ekteskap i Norge. Kommunen kan sjølv avgjere om dei vil gje tilbod til andre enn dei som er heimehøyrande i Luster.

Kommunen kan ta betaling for naudsynte meirkostnader dersom kommunen tilbyr vigslar utover det vanlege tilbodet om tid og stad. Kommunen kan også ta betaling for naudsynte kostnader dersom dei tilbyr vigslar til dei som ikkje er heimehøyrande i kommunen.

Elles skal vilkår for vigslar og gjennomføring følgje ekteskapslova.

## **Vurdering:**

Hovudregel bør vere at ordførar eller varaordførar gjennomfører seremonien. Det kan vere sjukdom, ferietid som gjer at det er praktisk at andre også har mynde. Rådmannen tilrår at mynde også vert delegert til rådmannen, og at rådmannen ev kan vidaredelegere i administrasjonen.

Rådmannen meiner det ligg til rette for å gjennomføra vigslar på rådhuset i kommunestyresalen. Andre rom kan ev også tilretteleggast for seremoni. Tilbodet bør vere innanfor opningstida på rådhuset. Dersom det praktisk let seg gjere for ordførar eller varaordførar bør me opne for vigslar andre stader i kommunen. Meirkostnader med dette må brudeparet betale for.

Dei som ynskjer det, bør få høve til å gifte seg i kommunen. Før ordninga vert sett i verk, er det vanskeleg å sei kor mykje ressursar som går med til å førebu og gjennomføra vigslar. Rådmannen vil føreslå at dei som ikkje er heimehøyrande må betale naudsynte utgifter slik lova opnar for. Satsar kan fastsetjast og takast inn betalingsattsane som følgjer budsjettsaka.

Dato: 2. november 2017

Jarle Skartun

Anita Bjørk Ruud

rádmann

leiar servicetorget

---

Særutskrift skal sendast:  
m/kopi til: